

# Fitjarøyane vert kunstgalleri i sommar

**Store internasjonale kunstnarnamn har allereie sagt ja til å delta på «Five thousand generations of birds» i Fitjarøyane i sommar.**

«Five thousand generations of birds» er ei utandørs holme-utstilling. Utstillinga finn stad i Fitjarøyane, 10 - 12 august 2012, og det er Fitjarskjergården med sine 381 øyer, holmar og skjer, som er utgangspunktet for utstillinga. Smedholmen er valt til hovudbase for produksjonen, medan hovudbasen for kunstnarane vert på Engesund.

#### Utvalde kunstnarar

Utvalde kunstnarar frå Noreg og utlandet er invitert til å ta del i programmet der dei i løpet av ein periode på tre veker skal bu og arbeida i øyane, for så å visa kunsten sin den siste helga av desse produksjonsvekene.

Store internasjonale kunstnarnamn har allereie sagt ja til å delta. Nokre av dei har aldri før stilt ut i Noreg, men ønskjer å koma på grunn av Fitjarøyane sitt store potensial og unike landskap.

Deltakarane er ei blanding av unge og etablerte kunstnarar frå: Canada, USA, Polen, Latvia, Sveits, Østerrike, Frankrike, Finland, Sverige og Noreg.

#### Kvar sin holme

Kunstnarane får utdelt kvar sin holme som utstillingsstad. Her skal dei laga «stedsspesifikke verk» der vind, regn, tidevatn, vekslande naturleg lys og andre ytre element vil ha innverknad på arbeida og arbeidstilhøva underveis.

Under produksjonsvekene er fitjarbuen og andre interesserte fri til å følgje kunstnarane sin produksjon på holmane, etter kvart som produksjonen veks fram. Under sjølve utstillingshelga vil det vera eigne utstillings-båtar som skal guida tilskodarane mellom holmane.

#### Performance-program

Om kvelden fredag 10. august blir det arrangert eit performance-program på Smedholmen, der ein kan vandra fritt rundt og sjå små føre-



**INITIATIVTAKARAR:** Silje Linge Haaland (Fitjar) og Andrea Bakketun (Trondheim). Foto: Håkon C. Hartvedt

#### : FAKTA

##### «Five thousand generations of birds»

**KVA:** Ei utandørs holmeutstilling.  
**KVAR:** Fitjarøyane,  
NÅR: 10 - 12 august 2012

**HOVUDBASE:** Smedholmen/  
Engesund

**DELTAKARAR:** Ei blanding av  
unge og etablerte kunstnarar frå:  
Canada, USA, Polen, Lithuania,  
Sveits, Østerrike, Frankrike, Fin-  
land, Sverige og Noreg.

**INITIATIVTAKARAR:** Silje Linge  
Haaland (Fitjar) og Andrea Bakke-  
tun (Trondheim). Begge er ut-  
ovande biletunstnarar.

stellinger, skulpturar og anna over heile øya. Arrangørane håpar prosjektet vil trekke kunstinteresserte frå inn- og utland til fitjarøyane. Ikke minst: båtfolket, kulturturistar, lokalbefolkinga og heile regionen generelt. Arrangementet vil være gratis for publikum.

#### Godt i gang

Five thousand generations of birds si leiing er i full gang med prosjektet. I løpet av sommaren 2011 var dei kunstnarane som skal delta på synfaring på Engesund, Smedholmen og holmane rundt. Under synfaringa fekk kunstnarane ei god innføring i kystkulturlandskapet med guida båttur i Fitjarøyene der ein mellom anna gjekk i land på Siglo for å sjå på vokster, stein og villsau. Det var òg inspeksjon av dei einskilde holmane.

**HÅKON C. HARTVEDT**  
hakon@fitjarposten.no

